

R Patriarcha Joseph dixit se vidisse solem et lunam adorare eum.*Sed noster divinus Joseph vidit verum solem Jesum, et veram lunam Mariam. ¶ Sibi obsequentes, et subditos ut Dominos domus suae.— Sed noster....

LECTIO II.

Laus nostri Josephi.

Jesus, Maria et Joseph in diversis considerationibus habent se tanquam excedens et excessum: ideoque quaeritur inter plures auctores. Sit ne æqualitas aut inæqualitas inter Jesum, Mariam et Josephum? Ratio: Genealogia Christi in Josepho terminatur, per cujus nobilitatem nobilitas Christi declaratur: nobilitas Christi per nobilitatem Josephi comprobatur, tanquam per ultimum parentem, qui revera ex opere Spiritus Sancti in Virgine sua Sponsa per consensum mirabiliter Deo suo datum. Per Josephum plurima beneficia a Deo obtinentur; quia Joseph ab Æterno prædestinatus fuit in Virginis Sponsum, et Christi virginalem Patrem.

Nos hæc sublimia, &c.

R Deo gratias.

R Maria ab Æterno prædestinata fuit in Matrem Dei.*Joseph ab Æterno prædestinatus in virginalem Patrem Dei. ¶ Electio Mariæ et Josephi simul comprobatur. Joseph....

LECTIO III.

Laus nostri Josephi.

Numquam fuit revera difficultas libros scribendi præcipue de nostro immaculato Josepho; quia in laudibus divini Josephi, vix dividi potest a Christo et Deipara; hac de causa ad Josephum vere laudandum angelorum lingue sunt necessariae. Intentio mea

est, quod magis cognoscatur Joseph ab omnibus Missionariis Josephinis et ab omnibus sororibus nostris, et per illorum medium magis ac magis totus universus mundus illum laudet; et revera laudabitur quia cultus Josepho exhibitus tum gratissimus est Christo, Deiparae et coelesti curiae; tum etiam omnibus hominibus et mulieribus.

Nos hæc sublimia, &c.

R Deo gratias.

R Nomina Jesu, Maria et Joseph sunt in capite libri vitae.*Et inter eos nulla divisio. ¶ Quia tria hæc sunt Trinitas terrestris ad similitudinem coelestis a Christo instituta. Et....

MES DE MAYO.

—DIA 1º—

LECTIO I.

—EX DOCTORIBUS.—

Cum similis similem deceat iunctuque superno,
Virgo parensque Dei nupserit alma Joseph,
Collige quantus erat, merito quo vicerit omnes,
Et fuerit tantum dignus habere decus.

Et natum curare Dei genitorque vocari,
Complecti et sacro sæpius ore peti.

Et facile accipies, ut primum Sponsam sequentem
In superis Sponsus, sic habet ipse locum.

—Isid I.

Nos hæc sublimia mysteria mirantes, et ut finem huic divinae lectioni apponamus, ex toto corde et ex tota anima nostra dicere volumus: Jesu, Maria et Joseph cor et animam meam trado vobis; esto mecum

in ultimo agone; et cum pace et vobiscum spiret anima mea.

R. Deo gratias.

R. Christus est credentium omnium frater.* Ergo Joseph qui virginaliter eum genuit omnium credentium est Pater. ¶ Ergo a fortiori est Pater omnium filiorum devotissime invocantium. Ergo....

LECTIO II.

Juxta Patres S. Joseph proprie et secundum rem —est Pater Jesu.—

A Sancto Joanne Chrisostomo potest in primis nostra conclusio probari, quia cum S. Josepho ajebat: Etsi nihil habeas, B. Joseph cum hac generatione comune; tanquam quod Patris est proprium quodque nihil lædet Virginis dignitatem, hoc tibi facile concedo; ergo concedendum est nostro immaculato Josepho quod est proprium Patris, ac proinde quod in aliquo vero sensu sit proprie Pater Domini Nostri Jesu Christi; ergo Incarnatio Domini Nostri Jesu Christi facta est post consensum Josephi, ergo propter suam voluntatem Pater Dei factus est. Item Rupertus sic se habet: Virum Mariæ, eum dicit, magnum et verum nomen Josepho attribuit Evangelista; quia si est vir Mariæ, est Pater Domini, id est excepta solum commistione carnis, est proprie et secundum rem Pater Domini. Alioquin ratione vinculi matrimonii vir et uxor fiunt quodammodo unum ita ut per commistionem carnalem fiant una tantum caro; sed in matrimonio Mariæ et Josephi per sacratissimam commixtionem suæ purissime Virginitatis (in qua illa consistit, Deus scit, sed loquimur cum Hyeronimo dicente; ex virginali conjugio Virgini Filius nasceretur.) præcise per ipsum et vin-

culum sumptum facti sunt cor unum et una voluntas; et quia et hac unitate fit ut habeant bona communia et quod ad alterum pertinet, pertinet etiam ad alium, sequitur inde quod est Mariæ proprium est Josephi proprium; et si Christus est proprie Filius Mariæ est etiam quodammodo proprie Filius Josephi, ergo juxta Patres, noster immaculatus Joseph proprie et secundum rem est Pater Christi.

Nos hæc sublimia mysteria mirantes, et ut finem huic divinae lectioni apponamus, ex toto corde et ex tota anima nostra dicere volumus: Jesu, Maria et Joseph cor et animam meam trado vobis, esto mecum in ultimo agone; et cum pace et vobiscum spiret anima mea.

R. Deo gratias.

R. Maria ait Jesu: Ecce Pater tuus et ego dolentes quærebamus te.* Nonne hic est Filius fabri, nonne hic est Filius Joseph. ¶ Quod est proprium Patris hoc tibi do: Vocabis nomen ejus Jesum. Nonne hic est....

LECTIO III.

Noster immaculatus Joseph habuit supra Filium Dei patriam potestatem.

Christus Dominus, qui quidem non erat filius carnalis Josephi habebatur ab eo et ab aliis illius filius et ut ita dicam, Filius adoptivus Josephi, nam quilibet ab alio adoptatur esse potest tanquam naturalis Filius, id est, tanquam genitus per naturalem generationem, ergo Christus Dominus, Filius adoptivus Josephi dici potest, ergo noster immaculatus Joseph habuit supra Filium Dei patriam potestatem. S. Josephum habuisse in Christum Dominum patriam potestatem certum est, quia patria

potestas in adoptione existit quia quis alium qui ipsius non est natus sibi adiscit et proprium facit; et quia lex adoptionis antiquissima est apud Hebræos, et hoc ita factum est quia ipsi dixerunt Evangelistæ et Jesus putabatur Filius Josephi, ergo revera habuit noster immaculatus Joseph patriam potestatem in Christum Dominum et tamquam Pater adoptivus Jesu in eum translatum est temporale ius in regnum Judæorum. At maxime quidem habenda fuit Josepho potestas patria in Christum Dominum quia revera virginalis Pater ejus erat, teste Augustino sic se habente: Non solum debuit esse Pater Jesu, sed maxime debuit, major puritas confirmet Paternitatem, ne ipsa S. Maria nos reprehendat.

Nos hæc sublimia mysteria mirantes, et ut finem huic divinæ lectioni apponamus, ex toto corde et ex tota anima nostra dicere volumus: Jesus, Maria et Joseph cor et animam meam trado vobis; esto mecum in ultimo agone; et cum pace et vobiscum spiret anima mea.

R Deo gratias.

R Propter quoddam cum Jesu Matre sanctum et virginalis confugium.*Etiam Joseph parens Christi meruit appellari. ⁊ Joseph maritus Mariæ et Josepho dictum fuit: vocabis nomen ejus Jesum. Etiam....

—DIA 2 DE MAYO.—

LECTIO I.

—EX DOCTORIBUS.—

Joseph natione Galilæus extitit; Galilæam autem provinciam, non multum ab Hierosolimis remotam inhabitasse Judæos, et gentiles. Conveniens fuit Joseph eam partem Judææ patriam habuisse, prop-

ter officii commendationem, educaturus enim erat salvatorem judæorum atque gentilium: propter loci conditionem, inhabitabant enim Galilæam judei et gentiles, eaque erat gens malæ opinionis apud Judæos: propter nominis interpretationem; interpretatur enim Galilæa revelatio. Convenit igitur patria nomine revelatio Josepho Sanctissimo, propter revelationem passive acceptam. Revelatio quoque activa Verbi Dei facta est mediante Josepho, toti orbi terram; ipse enim enutrivit et custodivit usque ad tempus, quo omni populo manifestaretur.—*Isid. I.*

Nos hæc sublimia, &c.

R Deo gratias.

R Eia, omnes Josephini et Josephinæ gaudeamus dicentes: *Benedictus Jesus noster frater per quem Joseph Pater est. ⁊ Et benedictus Pater per quem talem habemus fratrem. Benedictus....

LECTIO II.

S. Joseph est sicut Maria Pater virginalis Filii Dei.

In honorem nostri immaculati Josephi nobis eius virginalis paternitatem proponere et defendere placuit. Ut de facto S. Virgo Maria esset vera Dei Mater, debuit influere in hypostaticam unionem per duplicem qualitatem supernaturalem ipsi intrinsece inhærentem, quia alioquin vera Dei Mater non fuisset, cum non esset causa per se, nec genuisset suppositum divinum, similiter nobis videtur dicendum esse de nostro immaculato Josepho virginali Christi Patre, videlicet ipsum elevandum fuisse ad productionem unionis hypostaticæ duabus similibus qualitibus, inhærentibus ipsius animæ altera, alia vero corpori, illis tamquam Dei instrumentis utramque generaret unionem, scilicet et eam qua Verbum ani-

mae Christi unitur et eam qua corpori unitur, et hæc omnia a nostro S. Josepho certe peracta sunt propter ejus consensum circa incarnationem Filii Dei idque operans per gratiam privilegiumque tamquam omnipotens; et sicut Pater omnipotens ipsi dixit et omnia facta sunt, ita in nostro casu immaculatus Joseph ipse dixit et Verbum divinum factum est Verbum incarnatum; et quemadmodum propter ejus consensum Virgo Maria ejus Sponsa facta est Dei genitrix, a fortiori propter ipsum consensum ille factus Pater Dei. Nunc loquendo cum S. Agustino aiemus: Quod Spiritus Sanctus operatus est, utrisque operatus est, et in amborum justitia requiescens ambobus Filium dedit; sed in eo sexu cui parere decebat operatus est hoc, quod etiam marito nasceretur.

Nos hæc sublimia, &c.

R. Deo gratias.

R. Quod diximus de Virgine Maria Matre Dei,* pariter dicendum est de Virgine Josepho Patre Dei. ¶ Spiritus Sanctus superveniet in te, et virtus altissimi obumbrabit tibi. Pariter....

LECTIO III.

Convenientissimum fuit ut noster immaculatus Joseph esset Pater Dei virginalis.

Christus Dominus in alia providentia habere potuisset Patrem naturalem in terris, quia in alia deceptorum serie potuit concipi et nasci de Matre non Virgine, per consortium Josephi, qui in ea hypothesi foret verus illius atque naturalis pater, sed revera conveniens admodum fuit ut noster immaculatus Joseph fuisset virginalis Dei Pater magis quam naturalis quia divina hæc paternitas excellentior qui-

dem est. In nostro casu, vera actio generativa hominis Dei fecit in primis potentissimus nostri immaculati Josephi consensus post quem opus quidem divinum Spiritus Sanctus est operatus, et Virgo Maria facta foecundissima Virgo quae in ejus utero habuit Verbum caro factum; sed in alia providentia per quam noster Joseph esset naturalis Pater Jesu eo fuisset producta, tum unio inter animam et corpus, tum hypostatica unio inter Deum et hominem, id est, Jesum Christum. In hoc autem casu quamvis adaequata causa unionis hypostaticae, ex naturali S. Josephi virtute resurgeret, et ex qualitatibus eam elevantibus indeque huic conjuncto, tamquam causa per se esse deberet, essetque connaturalis unionis productio, et certe S. Joseph per se vocaretur naturalis Pater Christi; in hoc tamen altissimum Incarnationis mysterium perfectius foret ut almi Christi parentes essent virgines, foecunditate a Deo illis communicata. Non solum B. Virgo Maria, sed etiam Beatus Virgo Joseph fuerunt certissime almi parentes Christi per virtutem Spiritus Sancti; et hac de causa sic agebat D. Agustinus; Ergo pietati et charitati Joseph natus est de Maria Virgine, Filius Dei, quia non Jesu parentem solam Mariam sed ambos parentes ejus appellare minime dubitavit ipse Lucas Evangelista.

Nos hæc sublimia, &c.

R. Deo gratias.

R. Deipara elevata fuit in tantam foecunditatem divinæ generationi similem.*Beatus Joseph elevatus fuit per suum verbum in tantam foecunditatem suæ divinæ Sponsæ similem. ¶ Incomprehensibilia sunt judicia Dei. Beatus....

LECTIO I.

—EX DOCTORIBUS.—

Non est mirum si Christus voluit quod omnes creaturae obedirent Joseph, cum et ipse illi obediens extiterit et subjectus.—*Bern. de Bust*—Christo debetur cultus patriae B. Virgini hyperduliae, Josepho summae duliae.—*Corn.*—Tutor meus non maritus mihi cognitus est.—*Andr. de Hier.*—Neque de ejus partu ambiguitas existeret, ipse concepti Christi ex Spiritu Sancto testis assumitur.—*Zachar.*—Divus Joseph semper fuit patronus Virginis.—*Alb. M.*—Nisi Maria ita egisset, laborando ut ejus Sponsus Joseph debite honoraretur, posset ingratitude argui, quæ ab ea semper longissime abiit.—*Lansp.*

Nos hæc sublimia, &c.

R Deo gratias.

R Divinus Joseph tanquam Pater, Christo nomen imposuit.*Quia angelus ait ad eum; vocabis nomen ejus Jesum. ¶ Altissima hæc est Josephi dignitas, quod Christo nomen imponat tanquam Pater. Quia angelus....

LECTIO II

Christus Dominus subjectus fuit Sancto Josepho.

Loquimur de illa subjectione, cujus vi Filii subduntur et obediunt parentibus suis; et quamvis Christus ut Deus nulli creaturae, immo neque ipsi Deo potest dici subjectus, cum subjectio dicat inferioritatem quam Christus, ut Deus neque respectu creaturae, neque respectu ipsius Dei potest habere; Christus tamen, ut homo videtur revera subjectus Patri suo Josepho. Ut habet eximius Doctor Suaresius; tum

superioritas S. Josephi respectu Christi, tum hujus obedientia magis significant usum quam debitum; quia Christus propter suam ipsius dignitatem nulli hominum subjei proprie debuit; habuit tamen in usu veram subjectionem et perfectam obedientiam Patri ejus Josepho. Neque id derogat excellentia dignitatis S. Josephi, cum ad illam declarandam sit satis, et quod præcisè considerata humana conditione atque origine futurus fuisset Christus jure paternitatis nostri immaculati Josephi, ipsi subditus; et quod quamvis ratione divinitatis exemptus esset, de facto tamen voluit esse Josepho subjectus eique veluti suo virginali Patri et superiori veram obedientiam præstare honoreque eum afficere. Hac de causa bene agebat S. Augustinus, dicens: Tota vita Christi in terris per hominem quam gessit disciplina morum fuit; et præcipue ita in eo obedientia resplendit, ut apostolus dicere potuisset; factus obediens usque ad mortem, mortem autem crucis; ergo revera Christus Dominus subjectus fuit suo Patri Josepho.

Nos hæc sublimia, &c.

R Deo gratias.

R Sicut per obedientiam unius hominis peccatores constituti sunt multi.*Ita per obedientiam Christi justi constituentur multi. ¶ Primum hominis peccatum fuisse videtur inobedientiam. Ita....

LECTIO III.

Christus Dominus revera fuit subjectus Patri suo Josepho.—

Cum igitur primario venerit Christus ut homines a macula originali, quæ in Adamo personalis fuit inobedientia redimeret: necesse ergo fuit ut ille

excelleret obedientia, non solum respectu Patris Aeterni, verum etiam respectu Josephi virginalis ejus Patris. Hæc ergo probatur veritas ex Scriptura, ubi expressa est in Luca dicente: descendit cum eis, id est Maria et Josepho et venit Nazareth et erat subditus illis; ergo Christus aliquo modo, nempe ut homo, fuit subjectus suo virginali Patri Josepho. Divus Bernardus circa nostram sententiam, sic agebat: Quis? Quibus? Deus, hominibus; Deus inquam, cui angeli subditi sunt, cui Principatus et Potestates etiam obediunt, subditus erat etiam Josepho. Et Gerson inquit in eodem sensu: Dominus Noster erat subditus Josepho; sub fabro is qui auroram et solem fabricavit. Ut revera magis magisque Dominum nostrum Josephum honoremus nec omittendum duxi quod circa nostram sententiam ex historia catholicorum orientalium in latinum ex hebræo idiomate traducta Isolanus refert; tamquam ex ore ipsius Christi probata; Ego conversatus sum cum Josepho, in omnibus et eram per omnia sicut ipse et obediebam ei in omnibus; nec umquam transgressus sum verba illius et eram subditus illi tamquam Filii parentibus et diligebam Josephum valde sicut pupillam oculi mei: ergo pro certo dicendum est; Christus Dominus subjectus fuit Josepho.

Nos hæc sublimia, &c.

R. Deo gratias.

R. Christus venit in mundum ut opere nos et verbo et humilitatem et obedientiam edoceret.* Non solum coram Deo verum etiam hominibus. ¶ Ergo præcessit exemplo subjiciens se suo Patri virginali Josepho. Non solum....

LECTIO I.

—EX DOCTORIBUS.—

Conveniens fuit civitas Joseph esse Nazareth; Nazareth autem interpretatur unctio, medicina, custodiens, vel separatio. Quæ quidem interpretatio aptissime convenit vitæ Josephi, quæ munda semper fuit, propter observationem virginitatis. Convenit officio ejusdem; custos enim fuit immaculatae Virginis et Sponsus, cum qua vitam duxit usque ad extremam horam. Ipse enim in deliciis virginitatis perseverans, cum diva celorum Regina, unctus suprema gratia, mundus puritate mira, custos terrestris paradisi, ab omnibus angelis primo cognitus, fuit quam clarissime, deinde mortalibus significatus. O lector, ad cor tuum accede, et in interioribus tuæ domus sedens, dicta duce clarius cognosces illis assentes, ac majora de Sancto Josepho affirmabis.—*Isid. I.*

Nos hæc sublimia, &c.

R. Deo gratias.

R. Noster divinus Joseph est revera valde bonus.

* Bonus angelis quia per eum reparantur eorum cathedræ. ¶ Et valde bonus hominibus quia per ipsum habent redemptionem. Bonus....

LECTIO II.

*Beatissima Virgo Maria fuit subjecta viro
—suo Josepho.—*

Sicut Apostolus ait: caput mulieris vir, et D. Petrus præcepit ut mulieres subditæ sint viris suis; et et quia B. Virgo omnia semper præcepta adimple-

vit semperque D. Josephum coluit tanquam caput suum; sic etiam dicendum est illam viro suo fuisse subjectam. Sara juxta Patres fuit typus B. Virginis Mariae, nam haec peperit meliorem Isaac, qui tulit humeris suis lignum crucis ad montem Moriam, ut pro nobis immolaretur; et sicut Sara virum suum Dominum vocat eique subiciebatur et obediebat certe fatendum est melius gessisse locum Sarae erga sanctissimum virum suum Josephum. Haec nostra veritas confirmata est ab omnibus Ecclesiae patribus, et hac de causa devotissimus Gerson sic exclamat: O miranda prorsus, Joseph, sublimitas tua! O dignitas incomparabilis ut Mater Dei, Regina coeli et Domina mundi appellare te Dominum non indignum putaverit! B. Virgo fuit simillima Filio suo in donis gratia et virtutum, ergo sicut magis enituit in Jesu virtus subjectionis et obedientiae virginali ejus Patri Josepho, sic etiam dicendum est hanc virtutem pariter illoxisse in Maria in ordine ad domesticam gubernationem et in rebus externis.

Nos haec sublimia, &c.

R. Deo gratias.

R. In ordine ad mysteriorum Dei cognitionem non debuit Virgo pendere a Viro suo Josepho.* In externis autem et domesticis rebus, revera debuit illi esse subjecta in omnibus. ¶ Quia ad immaculatum Josephum pertinebat Sacrae Familiae gubernatio. In externis....

LECTIO III.

Omnis creatura subjici possit nostro potentissimo Josepho.

Imperium quidem et dominium consistens in pe-

testate imperandi et gubernandi omnes creaturas et in pleno dominio supra res omnes temporales fuit revera nostro immaculato Josepho. Dixit Pharaos ad Joseph: ad tui oris imperium cunctus populus obediet; ecce constitui te super omnem terram Aegypti. Dixit melius Jesus nostro Josepho; Pater meus es tu, non solum do tibi omnem terram Aegypti, sed etiam omne regnum meum; et ut tuis obediat imperiis subjicio tibi universas creaturas, ac per consequens omnia subjecta sunt tibi. Accedit ad haec auctoritas Gersonis et S. Bernardini de Bustos quorum pulcherrima est haec ratiocinatio; Tenendum igitur est quod in toto mundo non fuit Vir ita sufficiens ad tam dignum opus sicut B. Joseph, fuisset enim sufficiens absque dubio ad totius mundi regimen; qui autem fuit sufficiens ad maius et ita maius, multo magis esset ad minus juxta utriusque juris regulam; sed B. Joseph fuit a Deo electus et inventus idoneus ad regimen et gubernationem Filii sui, qui infinite universo excellit mundo et ad gubernationem Sponsae quae toto etiam orbe dignior habetur; ergo multo magis est credendum fuisse eum sufficientem ad regendum universum mundum. Et vide quam advertenter et proprie dictum sit nostrum immaculatum Josephum fuisse sufficientem ut denotetur dominium et gubernationem totius mundi concessum fuisse potentissimo Josepho in primis de jure, et secundo quoad exercitium et usum, si necessitas id postulasset.

Nos haec sublimia, &c.

R. Deo gratias.

R. Omnes gentes adorent Josephum tanquam regem.* Adorent eum omnes angeli et regem et prin-

cipem. ¶ Atque adoret eum omnis multitudo hominum, et reliquarum creaturarum. Adorent....

—DIA 5 DE MAYO.—

LECTIO I.

—EX DOCTORIBUS.—

Per Joseph genealogizatur, ut mos legis observetur, ut Sancti Josephi excellentissima virtus commendetur, et ut Beatissimæ Virginis humilitas amplius exaltetur. In hac autem genealogia advertito Joseph esse ultimum inter patres veteris Testamenti, nomen ejus locari ante nomen Mariæ, et per ipsius originem Christi nobilitatem describi, Joseph ultimum patrem constitui, indicat virtutes eorum in uno homine colligi, sicut in termino refulgent aliquo modo ad illum ordinata. Virtutes vero signantur congruenter; justitia quidem in David, obedientia in Abraham, sapientia in Salomone, experientia exilii in Jeconia, patientia in Zorobabel, atque humilitas in coeteris patribus.—*Isid. I.*

Nos hæc sublimia, &c.

R Deo gratias.

R Immaculatus Joseph est revera valde bonus.* Bonus peccatoribus quia per ipsum consequuntur veniam. ¶ Et valde bonus justis, quia per eum consequuntur perseverantiam in omnibus. Bonus peccatoribus....

LECTIO II.

Omnis creatura reipsa subjecta est nostro potentissimo Josepho.

Christo Domino utpote regi regum et domino dominantium omnis obedit creatura; sicut ipse Christus obediebat Virgini Matri et Virgo Maria D. Jo-

sepho sicut ejus capiti et Sponso, ergo totus orbis obedit et subjectus est S. Josepho. Ulterius B. Virgo est Regina universi ergo Joseph est etiam rex totius universi sed ex eo ipso quod totus universus qui omnem creaturam amplectitur subjici debet S. Josepho, sequitur quod omnis creatura ei est reapse subjicienda. Sponsus Reginae, cujus est aliquod regnum, est rex illius regni, et quia S. Joseph est Sponsus Reginae totius universi, sequitur illum esse regem totius universi. Apud omnes nationes Sponsus Reginae, rex est, quia in talibus personis habentibus dominium absolutum, maritus sequitur conditionem ejus uxoris; ergo Sponsus nostræ Reginae cujus est proprius universus mundus, est rex totius mundi; ergo omnis creatura in mundo contenta subjecta est illi; propterea omnis creatura subjecta est nostro immaculato Josepho. Christus Dominus a principio suæ conceptionis accepit omnem potestatem hac enim de causa sic agebat discipulis suis: Data est mihi omnis potestas in coelo et in terra; ergo ipsa hæc potestas congruit nostro immaculato Josepho, tamquam ejus Patri; ergo de facto ipsi data est; ergo demum omnis creatura subjecta est nostro potentissimo Josepho, viro Mariæ et Jesu Patri.

Nos hæc sublimia, &c.

R Deo gratias.

R Immaculata Virgo Maria est Regina et Domina totius universi mundi.* Noster immaculatus Virgo Joseph est rex et dominus totius universi mundi. ¶ Ambo atque dominio proprietates rerum singularem quæ ad alios pertinebant habuerunt de facto jus regnandi super omnia. Ambo....

LECTIO III.

Utrum S. Joseph fuerit sine labe conceptus.

Hæc est controversia percelebris cujus in gloriam S. Josephi piam decissionem gravissimi Doctores jam, jam referendi excogitavere. Pro illius solutione præmitto certum esse de fide omnes homines, excepta B. Virgine Maria, maculam originalem contraxisse et de facto contrahere. Ratio est quia Apostolus ad Romanos generaliter dicit: per unum hominem peccatum in hunc mundum intravit et per peccatum mors; ita et omnes homines mors pertransiit, in quo omnes peccaverunt. Et Tridentinum declarans; Non esse suae intentionis comprehendere in hoc decreto, ubi de peccati originali agitur. Beatam et Immaculatam Virginem Mariam, satis ostendit se omnes alios comprehendere. Post declarationem Tridentini in favorem Dei Genitricis, mihi videtur eandem aut similem, nisi fallor, in favorem Patris originalis Jesu revera admitti et defendi posse. Hæc est sententia cujusdam Actoris, cujus, supresso nomine, verba affert S. Bernardinus de Bustis; Utrum autem Joseph ab originali macula præservatus fuerit, ipse Deus novit qui talem sibi in Patrem putativum et gubernatorem humanitatis suae et dilectissimæ Sponsæ ac Matris suae purissimæ conjugem super omnes mundi homines elegit.

Nos hæc sublimia, &c.

R Deo gratias.

R Postquam ea omnia quæ de altissima dignitate nostri immaculati Josephi dixerimus,*Ortum traxit mare gratiarum quod in illum perenne con-

fluxit. ¶ Ergo sine labe originali fuit conceptus.—
Ortum....

—DIA 6 DE MAYO.—

LECTIO I.

—EX DOCTORIBUS.—

Expertus quoque est exilium Joseph multos post annos, suaque patientia ac laboribus Christum Jesum, Matremque Virginem servavit incolumes fugiens rabiem Herodis persequentis. Tanta erat humilitas Josephi, ut humillimæ Virginis unicus inter innumeram multitudinem hominum totius orbis Sponsus a Deo immortalis electus fuerit. Si enim Deus beatam Virginem ideo excelsam fecit, quia respexit humilitatem ancillæ suae, quare nobis credere fas non est, Sponsum vere humilem, nedum omnium in hominum genus humillimum eidem Virgini copulasse? Nomen Joseph ante Mariæ nomen locatur, ut mutua charitas Joseph et Beatæ Virginis præsignetur: quia si Christo propinquior est beata Virgo sanctitate, nec longius distat gloriosis meritis Sanctus Joseph—*Isid. I.*

Nos hæc sublimia, &c.

R Deo gratias.

R Joseph ut Sponsus Mariæ et Pater Jesus est valde bonus.*Bonus sanctis patribus quia per eum adepti sunt repromissionem. ¶ Et bonus existentibus in purgatorio; quia per eum habent requiem æternam. Bonus....

LECTIO II.

Utrum S. Joseph fuit sine labe conceptus.

Pro solutione sententiæ nostræ præmitto quod